

7
F. ALEXANDRI DE BURGO

M E S S A N E N S I S

Ordinis Minorum Conventualium Theologi,

E T

IN ROMANO ARCHIGYMNASIO

Publici Eloquentiæ Professoris.

I N F U N E R E

LEONIS DECIMI

PONTIFICIS MAXIMI

O R A T I O

A D S E R E N I S S I M U M

FERDINANDUM

M E D I C E M

ETRURIÆ PRINCIPEM.

*Bibl. Soc.
1766.*



*coll. domi.
1766*

ROMÆ, apud FRANCISCUM GONZAGAM, MDCCX.

SUPERIORUM FACULTATE.

S E R E N I S S I M O
FERDINANDO
M E D I C I
ETRURIÆ PRINCIPI.

FR. ALEXANDER BURGÓS.



Uæ fuerit hætenus , &
modo sit Regiæ Medi-
cæ gentis , FERDINANDE Princeps Sere-
nissime , erga liberales disciplinas , ea-
rumdemque cultores paterna propemo-
dum cura , ac flagrantissimus amor , nemo
unus est eorum , quos bonæ literæ , atque
omnis libero homine digna cognitio ,
vel parumper delectet , qui animo co-
gni-

gnitum, perspectumque non habeat. Ecquis autem erit, qui quidquid est in bonarum artium progressu honoris ac laudis, Avorum tuorum beneficentiæ non referat acceptum? Illi enim primi jacentes ingenuas artes egregia liberalitate excitarunt: effeceruntque propterea, ut honestarum disciplinarum studia, multorum annorum tenebris penè obscurata, aut prorsus extincta, apud omnes nationes, in Italia præsertim reviviscerent. Quod quidem præclarum ac prope divinum opus a Cosmo proavo, & Laurentio patre inchoatum, Leo Decimus Romanus Pontifex, maximum Medicæ familiæ decus absolvit. Etenim ipse fuit, qui accitis undique bonarum artium professoribus, jisque magnis propositis præmiis, ad egregium hoc & laudabile institutum invitatis, Romanum Archigymnasium ita instauravit, ut pulsa penitus barbarie, & splendor omnis Eloquentiæ, & dignitas Philosophiæ omnis, omnesque

sacræ

sacrae humanæque disciplinæ in eo re-
florerent: atque inde tamquam a capite
in reliqua Christiani Orbis Gymnasia
optimus liberalium studiorum succus
se se diffunderet, ac redundaret. Hujus
ego munificentissimi Pontificis laudes,
quas eidem in perpetuum grati animi
monimentum quotannis Romana Aca-
demia anniversaria commemoratione
persolvit, recensere hoc anno, Patrum
amplissimorum imperio, qui rem litera-
riam maxime curant, aggressus sum.
Quod quidem munus quum brevi ora-
tione, quantum potui, diligentius præ-
stitissem; hanc laudationem typis evul-
gare, ac Tibi, Serenissime FERDINAN-
DE, inscribere jure ac merito duxi.
Vulgatus enim & pervagatus rumor
est, Te clarissimorum Avorum exem-
plo commotum, optimarum artium
patrocinium suscepisse: studiosos egre-
giosque literarum professores fovere
impensissime; eorumque familiaritate
vehementer delectari. Tibi enim sum-

nam juvandi generis humani voluntatem Deum tribuisse, omnes, qui Te noverunt, affirmant. Itemque illud affirmant, ædes tuas (quod fuit olim de domo majorum tuorum a Paulo Jovio verissime scriptum) munificentiae, jucunditatis, elegantiae, virtutumque omnium tamquam officinam bonis viris patere universis, literatis praesertim, ac eruditis: Igitur in tuam cedit laudem, Princeps Celsissime, quæ de laudibus Leonis Decimi hîc a me instituitur Oratio: quum Tu ampla omnia, præclara omnia a Leone Pontifice gesta, gloriosa quadam æmulatione repræsentas. Nihil enim agis, quam quod grande sit & magnificum. Quæ cum ita sint, Orationem hanc meam Tibi, ut vides, tot de causis debitam, peramanter accipe, Princeps Serenissime, a me quidem animo quam obsequentissimo oblatam. Hac profecto & gratam Leonis Decimi memoriam in Romana Academia, quæ illum Pontificem, ut

Paren-

Parentem optimum suspexit, suspiciet-
que semper, nomine eorum, qui opti-
mas quasque artes profitentur, instauro:
& meam item erga Te peculiarem ob-
servantiam aliquo pacto testatam facio.
Veniet autem illud, ut spero, tempus,
quum pro collatis a Cosmo Magno
Duce Parente tuo optimo ac piissimo
Principe beneficiis innumeris in con-
sanguineos popularesque meos, (hi si-
quidem per fatales bellorum tempesta-
tes miserrimè olim patrium vertere so-
lum coacti in augusto Mediceæ pieta-
tis sinu tranquillam stationem invene-
runt) uberiora dabimus grati animi te-
stimonia. Nunc, ut ad unum, tota
quanta est, meorum votorum summa
redigatur, Deus Optimus Maximus,
quod enixe rogo, Te, Princeps Ma-
gne, quam diutissime servet incolu-
mem.

I M P R I M A T U R,

Si videbitur Reverendissimo Patri Magistro Sacri Palatii Apostolici.

D. de Zaulis Archiepiscopus Theodofia Vicesger,

I M P R I M A T U R,

**Fr. Jo: Baptista Carus Magister, & Socius Reverendissimi P. S. Apost. Pal.
Magistri, Ordinis Prædicatorum.**

LEONIS DECIMI

PONTIFICIS MAXIMI

O R A T I O .



Uum mecum ipse reputarem, Patres Illustrissimi, quid potissimum dicendo afferre possem, quod & animos vestros ad gratam Leonis Decimi Pontificis Maximi memoriam opportunius revocare, & rerum præstantissimarum à munificentissimo Principe olim gestarum laudes quoquo modo complecti valeret; multa mihi, & illustria quidem singula, ante oculos obversabantur argumenta. Quæ vero dudum a desertissimis viris & diligentius occupata, & magno sublimis Eloquentiæ apparatu tractata luculentius, spem omnem eorumdem argumentorum locos strictim cursimque brevi hoc tempore, quod ad dicendum tribuitur, pro dignitate retractandi, nedum mihi omnium oratorum infantissimo, verum etiam cuique facundissimo prorsus eripere animadvertēbam. Quam ob rem plane intelligebam, Auditores, quam difficilis mihi deliberatio esset, inter tot tantasque virtutes unam illam seligere, quam aliquo pacto extollere possem: quamque arduum, ac periculosæ plenum aleæ negotium su-

bire cogerer, qui de laudibus Leonis Decimi orationem instituere contenderem; præsertim quum in hac certatim palæstra viri omnium eruditissimi disertissimique summa cum laude hætenus insudarint. Quare tacuisssem libenter, ut pudor mihi a natura tributus admonebat; neque in hunc locum, qui eloquentissimis viris semper patuit unquam descendisssem, nisi me ad dicendum Patrum amplissimorum auctoritas coegisset. Pareo itaque, ut debeo, auctoritati vestræ: atque illud eligam dicendi argumentum, in quod me diu cogitantem & loci & temporis, & communis officii ratio recte opportuneque duxit; ut nimirum quanta fuerint à liberalissimo Pontifice, instaurata hujusce Accademiæ amplitudine, in bonas artes, in Rempublicam, in Religionem ipsam collata beneficia, vobis ita demonstrarem; ut quamquam non novo quodam & inusitato, verotamen genere laudandi, non tam beneficii auctorem, quam beneficium ipsum laudibus videar cumulare. Quam laudationem accomodatam huic tempori, vobis fore confido jucundissimam; utpote quæ maxime faciet; ut insignis beneficii recordatione grata in animis vestris beneficentissimi Pontificis memoria nunquam intermoritura reviviscat.

Et sane perquam amplum hujus laudationis aditum nobis aperit Paulus ille Jovius Nucerinus Antistes, qui de vita & gestis Leonis Decimi singulari sua facundia ac plane Romana, commentarium reliquit. Inter enim ea, quæ de Leone Pontifice hominum memoriæ prodidit clarissima facinora, illud præ ceteris eminere scripsit: *Quod Romanum hoc Gymnasium*
acci-

accitis undique gravissimarum artium professoribus ita
 instauravit; ut neque Bononiensi, neque Patavino,
 vel Doctorum præstantia, vel auditorum concursu
 concedere videretur. Quo quidem beneficio, nescio an
 aliquid illustrius, aut utilius bonis unquam artibus con-
 tingere potuisset. Etenim ab Urbe omnium domina per
 varias temporum acerbitates bonarum Artium studia
 tamquam e sede sua longe deturbata, iniquas fortunæ
 vices diu multumque deploraverant, quum Leo Deci-
 mus pristinam earumdem Artium faciem squallore ac
 mærore posito, splendidiorem, vividioremque restituit:
 lacrymas absterlit: atque huc illuc errantes musas non
 solum in antiquum hujus Urbis domicilium, verum
 etiam in majorem gloriam, in amplioremque dignita-
 tem postliminio revocavit. O latissimam, atque faustis-
 simam bonis Artibus diem! qua nobilissimæ divinæ men-
 tis alumnæ, universæque eruditionis & humanitatis
 magistræ ad pristinum gloriæ fastigium pervenerunt;
 ubi regiam illam honoris ac celebritatis adipiscendæ
 viam hætenus interclusam Leo Decimus aperuit: atque
 omnibus scientiarum asseclis, ut meliora in dies spera-
 rent, signum aliquod sustulisse visus est. Parietes, pa-
 rietes hujus Gymnasii cernere erat, Auditores, quasi
 præ gaudio gestientes, bonasque artes sibi ipsis invicem
 gratulari: & liberalium studiorum vindici ac statore gra-
 tias agere, arasque ponere, quod brevi tempore ejus
 beneficio veterem celebritatem essent consecuturæ. Et
 jam Philosophiæ Peripateticæ vigor Augustini Suesani
 conatibus invaluerat: jam medicæ artis peritia Cri-
 stophori Aretini industria revixerat: jam decus Juris-
 pru-

prudentiæ Hieronymi Buttigellæ laboribus inclaruerat :
 jam literarum humaniorum , atque Eloquentiæ splen-
 dor Jani Parrhasii Consentini studio reffloruerat : jam
 græcæ literæ patriis a finibus extorres Basilii Calchon-
 dylis opera in Latium commigrarant . Hosce siquidem
 o dignissimos homines ad hujus Academiæ famam longius
 extendendam Leo Decimus magnis propositis præmiis
 invitarat : quos jam pridem veluti Parens optimus ma-
 ximis beneficiis ipse aluerat , ut illorum opera ac dili-
 gentia optimarum artium studia pene ab interitu vindi-
 caret . Quod quidem ab eo bene ac sapienter institutum
 illum eundem exitum habuit , quem ipsemet animo
 præconceperat . Exuta enim veteri barbarie novum in-
 de lumen acceperunt & Medicina , & Jurisprudentia ,
 & Philosophia universa , & sacrarum denique literarum
 inter ceteras Princeps Theologica disciplina . Hinc
 profecto intelligitis Auditores , quanta sint hoc uno
 beneficio in bonas artes a Principe liberalissimo collata
 ornamenta . Istud vero munus & excellentissimum , &
 diviniissimum , quibus laudibus efferre , quibus studiis
 prosequi , qua demum grati animi memoria complecti
 possimus , plane non video . Cujus enim unquam tantum
 erit ingenii robur ac tanta dicendi ars , tantaque copia ,
 ut præclara hæc Leonis Decimi in bonas artes beuefi-
 cia , omnia quidem ad gloriam communeque commo-
 dum facta non jam dicam exornare , sed enarrare hoc
 tempore possit ? Nam si quis unquam fuit hac in Urbe
 rerum præstantissimarum instaurator ac vindex , is
 Leo Decimus fuit , qui dignissimus est , ut amplissimis
 laudibus commendetur memoriæ hominum semper-

næ . Ille quippe mirifica beneficiorum largitate , &
 jacentes bonas artes erexit ; & hunc celeberrimum at-
 que ornatissimum sapientiæ locum ad tantam gloriam
 provexit , ut omnes , quotquot literarum fama florue-
 runt , Academiæ antecelleret . Verum quæ sunt ex-
 pressiora & illustriora videamus : atque istud Leonis
 beneficium quam late pateat attendite . Fuit enim ma-
 jus , quam vulgus hominum putat , bonum istud in
 omnes Reipublicæ partes sese diffundens , isthæc scilicet
 bonarum artium instauratio . Nam quod putatis fuisse
 Leonis consilium , quum hunc locum veluti sapientiæ
 arcem erexit , nisi ut firmamentum religionis ; ut Rei-
 publicæ præsidium ; ut civium utilitates & commoda in
 eo constitueret ? Nisi ut Romæ haberemus sapientissi-
 mos omnium scientiarum magistros , qui florem juven-
 tutis nedum Romanæ urbis , sed orbis propemodum
 universi ad hanc veritatis magistræ confluentis , cum
 humanis tum divinis literis liberaliter educarent ? No-
 verat prudentissimus Pontifex quanta ex bonarum
 Artium studiis in Rempublicam præsentissima com-
 moda promanarent . Noverat vel exemplo suo , in
 quales quantosque viros ad obcunda Reipublicæ mu-
 nia , atque ad artes omnes probe egrègieque exercen-
 das adolescentes evaderent , qui fuerint optimis lite-
 ris maturius imbuti , & doctorum hominum societate ,
 ac disciplina diutius cicurati . Ipse enim Pisis in Gym-
 nasio ab Laurentio Patre instructo primus egregiam
 juri sacro ac civili addiscendo sub celeberrimis præ-
 ceptoribus operam navavit . Ipsemet ab incunte ætate
 clarissimis græcarum & latinarum literarum professori-
 bus

bus (hi enim in Bibliotheca , quæ erat veluti quidam thesaurus antiquitatis , ac maximum paternæ domus ornamentum , græcis latinisque codicibus abunde referta , frequentes erant) Pico scilicet Mirandulano , Angelo Politiano , Marsilio Ficino , Christophoro Landino , Joanne Lascari , Demetrio Calchondyle , Marullo Tracaniote ; aliisque & doctissimis & probatissimis viris tamquam familiaribus , & quotidianis convictoribus usus est : quorum contubernio magna illa , quæ in eo erat vis ingenii liberalis , atque ingentis & regii spiritus indoles mirum in modum exculta ad summum perfectionis apicem felicissime pervenit . Hic ergo scopus , hæc mens Leoni fuit , in hujus amplissimi loci instauratione , Patres Illustrissimi : ut nimirum ex eo , tamquam ex Minervæ palæstra viri exurgerent publicæ utilitati vere consulturi . Erat quippe in Leone Decimo nedum erga literas , bonasque artes , verum etiam erga subditorum commoda amor flagrantissimus : quem quidem amorem a pulcherrimis ac maximis avorum exemplis hæreditario quasi jure sibi relictum pene cum lacte altius imbiberat ; uberius vero aluit in principatu , quam quisquis alius , ita ut non tantum cum Cosmi proavi , ac Laurentii Patris beneficentia certarit , quamquam illi hæc una peculiari laude sibi & posteris claritatem parere studuissent , verum etiam illos in hoc liberalitatis stadio longe & multum anteiverit . Ipse enim ad provehenda , atque exornanda & optimarum artium studia , & Civium commoda longe omnium liberalissime animum statim ab initio Pontificatus convertit ; & a majoribus

bus acceptam munificentiae laudem singulari accessione cumulavit : quo nihil in Principe ornatus ; nihil magnificentius ; divinius denique nihil . O beatissimam , o vere Regiam Medicum gentem , quae omni virtutum genere ornatissimos Principes posterorum serie nunquam interrupta procreavit ! Quod enim de Evagoræ familia olim scripserat Isocrates : *In aliis scilicet familiis alios præstantiores , alios deteriores inveniri ; Evagoræ vero in familia omnes omnium fuisse celeberrimos* , id de Medicum gente si quis dixerit , jure ac merito dixerit .

Verum Leo Decimus , quo in uno virtutes , non ut in aliis quibusdam mediocres , sed singulae fuere excellentes , cunctos , qui in gente Medicea Principes virtutum fama inclaruerunt , lato post se intervallo reliquit : hac una præsertim erga literarum studia munificentiae virtute ; qua longius ac latius illarum commoda in omnes omnium gentium homines ex hoc christiani orbis capite derivavit . Laudent igitur alii in Leone Decimo singularem in adversis numquam fracti animi constantiam : laudent in prosperis moderationem : in agendis prudentiam & sagacitatem laudent . Laudent erga res sacras pietatem ac religionem . Laudent in extruendis ad ornamentum Urbis & commodum publicis ædificiis magnificentiam . Laudent denique in singulis ab eo rebus gestis excelsam quamdam regiae indolis magnanimitatem . Has , inquam , virtutes celebrent alii : fuere enim in Leone eximiae ac prope divinae virtutes . Mihi verò , qui non jam omnes , sed vix aliquot ex jis per huius tem-

poris

poris angustias enumerare possum, unam hanc dumtaxat erga bonarum Artium studia munificentiae virtutem adumbrasse sit satis. Siquidem ex hac una innumera propemodum, eaque maxima non in artes ipsas tantummodo, non in Rempublicam tantum, verum etiam in religionem ipsam beneficia profluxerunt. Etenim restitutis Romano in Gymnasio bonarum Artium studiis, non solum hujus loci dignitatem & gloriam: non Civium commoda solum; sed religionis etiam decus, & fulcrum; sed Romanae Sedis amplitudinem; sed Sacrarum Scripturarum auctoritatem à Leone Decimo conservatam, ac restitutam videmus. Dolebat enim, ac vehementer angebatur Ecclesia quum videret græcas latinasque literas maxime florere apud Heterodoxos prophanosque homines, qui sane jis in Religionis perniciem abutebantur. Dolebat, quum videret Ebraicam linguam, aliasque, quæ ad interpretationem Sacrarum Scripturarum potissimum faciunt, Ecclesiæ hostes callere; veritatis autem assertores vix a limine salutare. Dolebat, inquam, ac vehementer angebatur Ecclesia, quum videret sacræ Theologiæ studia ab Artium optimarum præsidiis, quibus ea tempestate adversus Lutheranz perduellionis impetum munienda erant, penitus destituta. Sed ecce tibi Leo Decimus, qui malo huic medicas manus adhibuit; qui intermissa linguarum studia restituit: qui solidam tradendæ Theologiæ methodum ex Sacrarum Scripturarum fontibus derivatam, Romano in Gymnasio renovavit. Quam quidem optimam sacrorum studiorum ducem ex hoc

nostro omnium Principe Archigymnasio , reliqua Christiani Orbis Gymnasia sibi imitandam honoris loco duxerunt ; Tridentini vero Patres & sapienter illam probarunt ; & apud omnes vel instituendam , vel retinendam utiliter præceperunt . Quæ cum ita sint , plane videtis , Auditores , quam late pateat istud in bonas artes , in Rempublicam , in religionem ipsam a Leone Pontifice collatum beneficium . Nullum propterea , affirmare ausim , inter ejus præclara facta fuisse , quo laudem ampliozem promeruerit ea , quam hujus loci instauratione Leo Pontifex consecutus est . Itaque hujus apud nos beneficii fidelis memoria vigeat , Auditores , ejusque commemoratio perpetuum sit in Leone Decimo veræ laudis argumentum . Quæ enim extant marmore , vel ære insculpta monumenta Leonis Decimi , illa quidem aliquando conficiet & consumet vetustas : siquidem caduca sunt & mobilia . Sed grati animi ad posteros mandata anniversaria oratione recordatio magis ac magis in dies ita efflorescet , ut diuturnitas non detrahat laudibus Leonis Decimi , sed majus afferat incrementum . Faxit Deus , ut qui modo Leonis Decimi & ingenium ergo bonas artes , & amorem mirifice exprimit PONTIFEX CLEMENTISSIMUS , ejusdem cum illo non amplissimæ solum ac divinissimæ dignitatis hæres , verum etiam & munificentia , & liberalitatis , disiecta ac penitus fugata acerbissimorum temporum procella , easdem ipse bonas artes , quemadmodum ille , ornare ac fovere , ut in animo habet , reapse possit . Interea nostrum erit , Auditores , in illam potif-

potissimum curam incumbere ; ut optimum in usum,
& LEONIS DECIMI, & CLEMENTIS UNDECIMI beneficia convertamus . Id vero plene effecerimus , si optimarum artium studia ita excoluerimus , ut imitari agros fertiles videamur, qui multo plus afferre solent, quam acceperint .

F I N I S.